

Vaavaaia o Faifeautalai mo Auaunaga: O Se Taiala mo Pule o Faatinoga

O loo tuuina atu i lenei pepa o faamatalaga se vaaiga aoao o le polokalama mo faifeautalai o auaunaga ma lau matafaioi o se pule o faatinoga.

Faifeautalai o Auaunaga

O ni isi alii ma tamaitai talavou matutua agavaa o e mananao e auauna atu i se misiona o le a le mafai ona auauna atu i se misiona talai. O misiona mo auaunaga e mafai ai e i latou ona auauna atu i le Alii i isi auala 'anoa.

O misiona mo auaunaga ua mamanuina ia fetau ma gafatia o faifeautalai taitasi o auaunaga. O o latou malosiaga, taleni, ma tomai e faitaulia i le filifilia o le galuega o le a latou faia.

Fatufatuina ma le Faatutumuina o Tulaga o Faifeautalai o Auaunaga

E mafai ona oulua galulue ma lau paaga faipisinisi o punaoa mo tagata e fatufatu se fuafuaga e ausia ai au sini faalefaatinoga. E ao ona aofia ai i lenei fuafuaga se 'augalulue suifefiloi o tagata faigaluega, faifeautalai sinia o auaunaga, ma faifeautalai talavou o auaunaga. O faifeautalai o auaunaga o se punaoa sili e fesoasoani ia ausia au sini. Filifili po o a tulaga e mafai ona latou faatutumuina. Faailoa ia agavaa ma tiute mo tulaga po o tofiga taitasi.

E galulue ia taitai misiona o auaunaga e atia'e se aafiaga tulagaese o le misiona mo faifeautalai taitasi o auaunaga. Galulue vavalalata ma i latou e fesoasoani ai e faafetaui le faifeautalai i le tulaga. E mafai e tagata talosaga ona asiasi i le nofoaga o le auaunaga a o lei faia se tofitofiga. O le a oulua fono ma le taitai misiona o auaunaga a o galue le faifeautalai ina ia mautinoa ai e fetau lelei le tulaga.

O Le Aafiaga o le Misiona

E manaomia e faifeautalai o auaunaga ona i ai se poto masani 'anoa o le galuega. Latou te manaomia foi ona i ai se poto masani faaleagaga. Toe faamalosia itu faaleagaga o a latou galuega. Fautuaina i latou e auai i faigalotu. Ia fautuaina foi isi gaoioiga o le a siitia ai i latou i le faaleagaga. Mulimuli i mataupu faavae o le Mamanu Faaleauta'ita'i ia outou fegalegaleaiga uma ma i latou.

O le vaaiga a faifeautalai i o latou aafiaga e tele ina faalagolago pe o latou lagonaina le faatauaina ma le lagolagoina e le pule, tagata faigaluega, ma isi faifeautalai. O loo ta'ua i lalo lau matafaioi:

1. Faatuina ia tulaga faatonuina o le tofiga o le auaunaga.
2. Vaavaai le galuega i aso taitasi, tuuina atu le taitaiga, lagolago, ma aoaga faamasani.
3. Ia mautinoa e saogalemu ma lagolagosua le siosiomaga.
4. Ia saunia ma tuuina atu galuega 'anoa. O le a fesoasoani lenei mea i faifeautalai o auaunaga e atia'e tomai ma le mautinoa.
5. Fautuaina i latou e auai i faigalotu. Faataga i latou e auai i fonotaga a vaega o le misiona mo auaunaga.
6. Faataga i latou e galulue i auaunaga i nuu ma gaoioiga faaleaoaoga.
7. Pe a manaomia ai, fefautuuaai ma taitai misiona mo auaunaga e uiga i le alualu i luma ma manaoga o faifeautalai.



Fesili?

- Faafesootai lou taitai misiona mo auaunaga.
- Asiasi i le [ChurchofJesusChrist.org/service-missionary](https://www.ChurchofJesusChrist.org/service-missionary)
- Vili le Ofisa o le Misiona mo Auaunaga i le Aai o Sate Leki i le 1-801-240-4914 pe imeli i le support-servicemission@churchofjesuschrist.org.

